



Nafsi Iliyoubwa Upya katika

Mfano wa Mungu

Maneno hayo niliyowaambia ni roho, tena ni uzima.— Yohana 6:63.

Mada kuu ya Biblia, mada ambayo kwa hiyo mada nyingine yoyote kwenye Biblia inazunguka, ni mpango wa ukombozi, urejeshwaji kwenye nafsi ya mwanadamu wa mfano wa Mungu. Tangu lile pendekezo la kwanza la tumaini kwenye sentensi iliyotamkwa pale Edeni hadi kwenye ahadi ile ya mwisho yenye utukufu ya Ufunuo, “Nao watamwona uso wake, na jina lake litakuwa katika vipaji vya nyuso zao” (Ufunuo 22:4), mzigo wa kila kitabu na kila ibara ya Biblia ni kukunjuliwa kwa mada hii ya kushangaza – kuinuliwa kwa mwanadamu – nguvu ya Mungu, “atupaye kushinda kwa Bwana wetu Yesu Kristo.”

Yeye anayeelewa wazo hili, mbele yake atakuwa na uwanda mpana wa kujifunza usio na kikomo. Anakuwa na ufunguo utakaomfungulia hazina nzima ya Neno la Mungu...

Nguvu ya ubunifu iliyotamka na ulimwengu ukawepo imo katika Neno la Mungu. Neno hili hutoa nguvu; huleta uzima. Kila amri ni ahadi; ikikubaliwa na nia, ikipokelewa moyoni, inaleta pamoja nayo uzima Wake Yeye asiye na ukomo. Huwa inabadilisha asili, na kumbamba upya nafsi katika mfano wa Mungu.

Uzima unaotolewa kwa njia hiyo, unadumishwa kwa namna hiyo hiyo. Mwanadamu ataishi “kwa kila neno litokalo katika kinywa cha Mungu.”

Akili na nafsi, hujengwa katika kile inachokula; na tunayo hiari yetu kuamua kuhusu kile itakacholishwa. Kila mmoja anao uwezo wa kuchagua mada zitakazotawala mawazo na kujenga tabia...

Neno la Mungu likiwa mikononi mwetu, kila mwanadamu, vyovyote atakavyochagua katika maisha, atakuwa na urafiki kama atakavyokuwa amechagua. Katika kurasa zake mtu anaweza kusemezana na waungwana wa juu kabisa na watu walio bora kabisa katika jamii ya wanadamu, na anaweza kusikiliza sauti Yake Yeye aliye wa milele kama anenaye na watu. Kadiri anavyoendelea kujifunza na kutafakari juu ya mada ambazo katika hizo “malaika wanatamani kuyachungulia,” anaweza kuwa na urafiki nao. Anaweza kufuata hatua za Mwalimu wa kimbingu na kusikiliza maneno Yake kama alivyokuwa akifundisha mlimani, tambarare na baharini.

Anaweza kukaa duniani katika angahewa ya mbinguni, akiwekeza watu wanaoteseka na kujaribiwa duniani mawazo ya matumaini na shauku kwa ajili ya utakatifu; yeye mwenyewe akisogea karibu zaidi na zaidi katika uhusiano na yeye Asiyeonekana; kama yule wa kale aliyekwenda (aliyetembea) na Mungu, akisogea karibu zaidi na zaidi na lango la ulimwengu wa milele, hadi malango yatakapofunguliwa, naye ataingia pale. Hatajiona kuwa mgeni. Sauti zitakazompokea zitakuwa sauti za watakatifu, ambao, bila kuonekana, walikuwa rafiki zake hapa duniani – sauti ambazo akiwa hapa alijifunza kuzitambua na kuzipenda. Yeye ambaye kupitia kwa Neno la Mungu aliishi katika ushirika na mbingu atajisikia nyumbani kati ya marafiki wa mbinguni (Education, 125-127).